

# INUIT ATAQATIGIIT

## Inatsisartuni



4. juli 2019

UKA2019/122

Inatsisartut Suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiuppara:

**Attartornermut inatsisissatut siunnersuutissaminni attartortut suliffimmut atatillugu inissaminnik tunineqarnerminni inissiami ukiut tallimat kingulliit iluanni oqummik ajornartorsiuteqartoq paasineqarsimagaangat attartortut inissiamik allamik tunineqarnissaminnik annaasaqaratik naaggaarsinnaalernissaannik Naalakkersuisut suliaqarnissaannik peqquneqarnissaat pillugu Inatsisartut aalajangiiffigisassaattut siunnersuut.**

(Inatsisartunut Ilaasortaq Sofia Geisler, Inuit Ataqatigiit)

### Tunngavilersuut:

Naalakkersuisut §37 naapertorlugu apeqquteqaammut 2018-328-mut akissumminni upternarsarpaat, inissiaatileqatigiiffiup pisortanit pigineqartup inissiat oqummik ajornartorsiuteqarfiusimasut immikkut nalunaarsorneq ajorai.

Taamaappat imaassimassaaq, attartortunik inunnik ataasiakkaanik ilaqtariinnilluunniit inissianut pisortanit pigineqartunut oqummik ajornartorsiorfiusunut, imaluunniit siusinnerusukkut oqoqarsimasunut kingusinnerusukkut takkuteqqittumut nuuttoqartartoq.

Inatsit naapertorlugu, inuit ataasiakkaat ilaqtariillumi, angerlarsimaffimmi peqqinnannngitsumik silaannalimmi najugaqarnertik pissutigalugu, peqqiillioraluttuinnarsinnaapput ajornerpaaffianilu peqqissutsimikkut innarlerneqarsinnaallutik.

Isumaqpunga inatsit atuuttoq, matumanit Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq, nalunaarutillu tassunga attuumassutilit ilanngullugit, innuttaasut ataasiakkaat pisinnaatitaaffiinik illersuinngitsoq.

Tamanna tunngavigalugu siunnersuutigaara, siunissami attartortut suliffimmut atatillugu inissaminnik tunineqarnerminni inissiami ukiut tallimat kingulliit iluanni oqummik ajornartorsiuteqartoq paasineqarsimagaangat naaggaarsinnaalernissaat. Malugalugu attartortut inissiamik allamik tunineqarnissaminnik annaasaqaratik taamaaliorssinnaalernissaat. Inissiani

naliniginnaasunik attartortartut innersuussamut suna patsisaanersoq apeqqutaatinnagu naameersinnaatitaareerput, utaqqisut allattorsimaffianni inisisimanermennik annaasaqarnissaanut attuumassuteqanngitsumik pisarpoq.

Allannguutissatuaq tassaassaaq massakkut peqqussut atuuttoq naapertorlugu pisinnaatitaaffigingisaminnik atorfitsik aqqutigalugu inissianik innersunneqartartut naameersinnaalernissaat.

Nalunngilara inissiat sivisumik najorneqanngitsut inissiaatileqatigiiffiit immikkoortortaqaifiinut nanertuutaalersinnaasut, tamannalu naggataagut immikkoortortaqaarfimmi attartortut sinnerisa akiliutaasa qaffattariaqalernerannik kinguneqarsinnaasoq. Taamaattumik Naalakkersuisut kajumissaassavakka aningaasalersueriaatsimik allamik, inissiat sivisumik najorneqanngitsut attartortunnut allanut nammatassanngunnginnissaat anguniarlugu nassaarsioqqullugit.

Inissiat ullutsinnut naapertuuttut pisariaqartippavut. Inuit ataasiakkaat ilaqtariillu peqqissusaat sallituttariaqarpalput. Inatsiseqartariaqarpugut innutaasut inissianut peqqissutsimut innarliisinnaasunut illorsorneqarnissaannik qulakkeerinnittumik.

Pisortat inissiaatileqatigiiffianni inissiat oqummik ajornartorsiortiusimasut immikkut nalunaarsorneqartannginnerat pissutigalugu, inissianik attartortut nooreernerminni oqummik ajornartorsiulerataannaapput. Taamaattoqartillugu inatsisit naapertorlugit nammagittaalliorsinnaaneq atuutilissaaq, innersuussutigissavaralu inissiaatileqatigiiffiinni pisortanit pigineqartuni oqommik ajornartorsiutit annikikkaluarpata annertugaluarpataluunniit, tamaasa ilumoorullugit pisassagaat.

Eqqumaffigaara inissianik attartorneq pillugu peqqussummi maalaaruteqarnissamut periarfissaq ilaatinneqareersoq. Maluginiaqqussavara siunnersuutiga maalaarsinnaatitaanermut tunngassuteqanngimmat. Siunnersummi pineqartoq tassaavoq, attartortut suliffimmut atatillugu inissaminnik tunineqarnerminni inissiami ukiut tallimat kingulliit iluanni oqummik ajornartorsiuteqartoq paasineqarsimagaangat attartortut inissianut utaqqisutut allattorsimaffimmi inissisimaffimminnik annaasaqaratik naaggaarsinnaalernissaat.

### **Aningaasatigut allaffissornikkullu pisortanut kingunissai:**

Nalunngilara inissiat sivisumik najorneqanngitsut inissiaatileqatigiiffiit immikkoortortaqaifiinut nanertuutaalersinnaasut, tamannalu naggataagut immikkoortortaqaarfimmi attartortut sinnerisa akiliutaasa qaffattariaqalernerannik kinguneqarsinnaasoq.

Tamaammat nunatta karsianiit inissiat najorneqannngitsut  
aninggaasartuutaanerannut akiliutissanik, imaluunniit oqoqareersut  
iluarsaaneeqarnissaannut aningaasalisoqartariaqarnissaa  
naatsorsuutigineqartariaqarpoq.

Inissiat sivisuumik najorneqannngippata, allangortoqanngippat, utaqgisut suli  
amerlanerulerterannik kinguneqassaaq, pingaartumik inoqarfinni  
nutserarfiusuni.

Siunnersuutip matuma kinguneranik inissiat oqoqarfiusut  
iluarsaaneeqarnissaannut aningaasalissuutit amerlineqartariaqalersinnaapput –  
pisariaqartitalluunniit sinnerlugit, inissiaatileqatigiiffiup “suna tamaat atorlugu”  
inissiat najorneqalernissaat siunertaralugu.

Ilimagisariaqassaaq siunnersuusiorneq annerpaamik AC-fuldmægtigitut atorfillip  
ukiup affaani sulineranik naleqassasoq, tassa 250.000 kr.-it. Siunnersuulli  
manna inatsisip pineqartup pilersaarutigineqareersutut  
naleqqussarneqarnissaanik suliamut ilangunneqassammat,  
naatsorsuutigineqarsinnaavoq aningaasartuutissat taaneqartuniit  
malunnaatiilimmik annikinnerussasut.

### **Aningaasatigut allaffissornikkullu namminersortunut kingunissai:**

Namminersortunut aningaasarsiornikkut allaffissornikkulluunniit  
toqqaannartumik sunniuteqassanngilaq, pisortat namminersorlutik inissiaatillit  
inaataannik atuilersinnaanerat, taamaalillunilu namminersorlutik  
inuussutissarsiortunut aningaasatigut iluaqtissanngorluni pissanngippat.

### **Aningaasatigut allaffissornikkullu innuttaasunut kingunissai:**

Ullumikkut malittarisassat atuuttut naapertorlugit, inissiat sivisunerusumik  
najorneqannngikkaangata, akiliutissaq immikkoortortaqarfimmi najugalinnut  
allanut qaffaanermik kinguneqartarpooq.

Siunnersuut ilusimisut ilusilerlugu akuerineqassappat, inissianut utaqgisutut  
allattorsimaffiiniittut amerleratarsinnaanerat ilimanartorujussuuvoq,  
pingaartumik inoqarfinni nutserarfiusuni.

Siunnersuut ilaqtariit pineqartut peqqinnerulerterannik kinguneqarsinnaavoq  
amma.

Kingunerisinnaasaasa ilagaat amma, pisortat namminersortut inissiaataannik  
inissarsiortunut inissianik taartaasussanik pissarsiniartariaqalernerat.